

वीर्यवान्भवति ॥ २ ॥ दिवस्प॒रि प्रथ॑मं जज्ञेऽ॒ग्निरिति॑ । प्रा॒णो वै दि॒वः प्रा॒णाडु
वाऽ॒एष प्रथ॑ममजायतास्मद्वितीयं प॒रि ज्ञात॑वेदा इति य॒देन॑मदो द्वितीयं पुरुषवि-
धोऽ॒जनय॑त्तृतीयमप्स्वि॒ति य॒देन॑मदस्तृतीयमद्भ्योऽ॒जनय॑न्मृणा अ॒जस्र॑मिति प्रजाप-
तिर्वै नृ॒मृणा अ॒ग्निर॒जस्र इ॒न्धान॑ ए॒नं ज॑रते स्वाधीरिति यो वाऽ॒एनमि॑न्दे स ए॒नं
जनय॑ते स्वाधीः ॥ ३ ॥ वि॒द्वा तेऽ॒ग्ने त्रेधा॑ त्रयाणीति । अ॒ग्निर्वा॒युरादित्य॑ ए॒तानि
ह्रा॒स्य ता॒नि त्रेधा॑ त्रया॒णि वि॒द्वा ते धा॒म वि॒भृता॑ पुरु॒त्रेति॑ य॒दिदं ब॑हुधा वि॒द्भि-
यते॑ वि॒द्वा ते ना॒म पर॑मं गु॒ह्यं यदिति॑ य॒विष्ठ॑ इति वाऽ॒अस्य॑ तन्ना॒म पर॑मं गु॒ह्यं
वि॒द्वा तमु॑त्सं य॒त आ॒जग॑न्थेत्या॒पो वाऽ॒उत्सोऽ॒द्भ्यो वाऽ॒एष प्रथ॑ममा॒जगाम॑ समु॒द्रे
त्वा नृ॒मृणा अ॒प्स्वत्तरि॑ति प्रजापतिर्वै नृ॒मृणा अ॒प्सु त्वा प्रजा॑पतिरित्येत॒नृच॑क्षा
ई॒धे दि॒वोऽ॒अग्न॑ऽ॒धन्नि॑ति प्रजापतिर्वै नृच॑क्षा आ॒पो दि॒व ऊ॒धस्तृ॑तीये त्वा र॒ज-
सि त॑स्थिवा॒ऽसमि॑ति द्यौर्वै तृतीय॑ र॒जोऽ॒पामु॑प॒स्थे म॒हिषा॑ अव॒र्धन्नि॑ति प्रा॒णा वै
म॒हिषा॑ दि॒वि त्वा प्रा॒णा अव॑र्धन्नित्येतत् ॥ ५ ॥ ता ए॒ता ए॒कव्याख्या॑नाः । ए॒तमे॒-
वाभि॑ ता अ॒ग्नेय्य॑स्त्रिष्टु॒भस्ता॑ य॒दाग्ने॑य्यस्तेना॒ग्निरथ॑ य॒त्त्रिष्टु॒भो यदे॑कादश तेनेन्द्र
ऐ॒न्द्राग्नोऽ॒ग्निर्या॒वानग्निर्या॒वत्य॑स्य मा॒त्रा ता॒वतै॒वैनमे॑तदुपतिष्ठतऽ॒इन्द्रा॒ग्नी वै स॒र्वे
दे॒वाः स॒र्वदे॒वत्योऽ॒ग्निर्या॒वानग्निर्या॒वत्य॑स्य मा॒त्रा ता॒वतै॒वैनमे॑तदुपतिष्ठते ॥ ६ ॥ य-
द्वे॒व वि॒ष्णु॒क्रम॑वात्स॒प्रे भ॒वतः॑ । वि॒ष्णु॒क्रमै॒र्वै प्रजा॑पतिरि॒मं लो॒कम॑सृजत वात्स॒प्रे-
णाग्निं॑ वि॒ष्णु॒क्रमै॒र्वै प्रजा॑पतिर॒त्तरि॑क्षम॒सृजत॑ वात्स॒प्रेणा॑ वा॒युं वि॒ष्णु॒क्रमै॒र्वै प्रजा॑पति-
र्दि॒वम॑सृजत वात्स॒प्रेणा॑दित्यं वि॒ष्णु॒क्रमै॒र्वै प्रजा॑पतिर्दि॒शोऽ॒सृजत॑ वात्स॒प्रेणा॑ च॒न्द्रम॑सं
वि॒ष्णु॒क्रमै॒र्वै प्रजा॑पतिर्भू॒तम॑सृजत वात्स॒प्रेणा॑ भ॒विष्य॑द्वि॒ष्णु॒क्रमै॒र्वै प्रजा॑पतिर्वि॒त्तम॑सृजत
वात्स॒प्रेणा॑शां वि॒ष्णु॒क्रमै॒र्वै प्रजा॑पतिर॒हुर॑सृजत वात्स॒प्रेणा॑ रा॒त्रिं वि॒ष्णु॒क्रमै॒र्वै प्रजा॑प-
तिः पूर्॒वप॑क्षानसृजत वात्स॒प्रेणा॑प॒रप॑क्षान्वि॒ष्णु॒क्रमै॒र्वै प्रजा॑पतिर॒धमा॑सानसृजत वा-
त्स॒प्रेणा॑ मा॒सान्वि॒ष्णु॒क्रमै॒र्वै प्रजा॑पतिर्ऋ॒तून॑सृजत वात्स॒प्रेणा॑ सं॒वत्सरं॑ तद्य॒द्विष्णु॑क्रम-